

Broj: 01-04-6-02269-7/2022  
Sarajevo, 16.6.2022. godine

Na osnovu člana 64. stav (1) tačka b), člana 70. st. (1), (3) i (6) Zakona o javnim nabavkama Bosne i Hercegovine („Službeni glasnik BiH“, broj 39/14), te člana 9. Pravilnika o uslovima i načinu korištenja e-aukcije („Službeni glasnik BiH“, broj 66/16), nakon razmatranja preporuke Komisije za javne nabavke broj 01-04-6-02269-6/2022 od 15.6.2022. godine za dodjelu ugovora o javnoj nabavci roba—oprema za mjerenje kvaliteta zraka i nivoa zvuka po provedenom postupku konkurentskog zahtjeva za dostavljanje ponuda uz primjenu e-aukcije, Direktor Federalne uprave za inspekcijske poslove u ime ugovornog organa, donosi,

## **ODLUKU**

### **o dodjeli ugovora za nabavku roba- oprema za mjerenje kvaliteta zraka i nivoa zvuka**

#### **Član 1.**

1. Prihvata se ponuda ponuđača „E3“ d.o.o. Sarajevo broj P-022-095-010/1 od 10.6.2022. godine, te se ugovor o nabavci prijenosnog analizatora dimnih gasova sa dodatnim odvojivim modulom prijenosnog analizatora dimnih gasova za rad na teško pristupačnim lokacijama (lot 1.) dodjeljuje navedenom ponuđaču pod slijedećim uslovima:
  - cijena: 12.970 KM bez PDV-a, odnosno 15.174,90 KM sa uračunatim PDV-om
  - rok isporuke: 90 dana od dana obostranog potpisivanja ugovora
  - mjesto izvršenja ugovora: sjedište ugovornog organa u Sarajevu, u ulici Fehima ef. Čurčića broj 6
  - garantni rok: 12 mjeseci od dana obostranog potpisivanja zapisnika o prijemu uređaja bez primjedbi
  - rok plaćanja: 30 dana od dana zaprimanja fakture za stvarno isporučeni uređaj.
2. Prihvata se ponuda ponuđača „E3“ d.o.o. Sarajevo broj P-022-095-010/2 od 10.6.2022. godine, te se ugovor o nabavci roba: mjerač nivoa zvuka i analizator frekvencije sa funkcijama prikupljanja podataka (lot 2.) dodjeljuje navedenom ponuđaču pod slijedećim uslovima:
  - cijena: 5.995,00 KM bez PDV-a, odnosno 7.014,15 KM sa uračunatim PDV-om
  - rok isporuke: 90 dana od dana obostranog potpisivanja ugovora
  - mjesto izvršenja ugovora: sjedište ugovornog organa u Sarajevu, u ulici Fehima ef. Čurčića broj 6
  - garantni rok: 12 mjeseci od dana obostranog potpisivanja zapisnika o prijemu uređaja bez primjedbi
  - rok plaćanja: 30 dana od dana zaprimanja fakture za stvarno isporučeni uređaj.

#### **Član 2.**

Ugovorni organ će sa ponuđačem iz člana 1. ove odluke zaključiti ugovore kojim će se regulirati međusobna prava i obaveze vezana za predmetnu javnu nabavku, a u skladu sa uslovima definisanim u tenderskoj dokumentaciji, prihvaćenim ponudama i zakonskim propisima koji regulišu postupak ugovaranja.

### Član 3.

1. Ponuđač „E3“ d.o.o. Sarajevo je dužan u roku od 5 (pet) dana od dana prijema ove odluke dostaviti uvjerenja nadležnih organa kojim dokazuje slijedeće činjenice:

- a) izvod iz kaznene evidencije nadležnog suda da u krivičnom postupku nije osuđen pravosnažnom presudom za krivična djela organizovanog kriminala, korupcije, prevare ili pranja novca, u skladu sa važećim propisima u Bosni i Hercegovini ili zemlji u kojoj je registrovan;
- b) izvod ili potvrda iz evidencije u kojim se vode činjenice da nije pod stečajem ili nije predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku je obustavljanja poslovne djelatnosti, u skladu sa važećim propisima u Bosni i Hercegovini ili zemlji u kojoj je registrovan;
- c) potvrde nadležne poreske uprave ili ukoliko se radi o ponuđaču koji nije registrovan u Bosni i Hercegovini, potvrda ili izvod iz evidencije na osnovu koje se može utvrditi da uredno izmiruje obaveze za penzijsko i invalidsko osiguranje i zdravstveno osiguranje.
- d) potvrde nadležnih institucija o uredno izmirenim obavezama po osnovu direktnih i indirektnih poreza.

2. Dokazi iz stava 1. ovog člana se dostavljaju kao original ili ovjerena kopija i moraju sadržavati potvrdu da je ponuđač u momentu predaje ponude ispunjavao uslove na koje se odnose isti, te će u slučaju da u ostavljenom roku ne dostavi tražene dokaze ili ne dostavi na način i u formi kako je to traženo ovim članom biti isključen iz daljeg učešća u postupku zbog neispunjavanja uslova za kvalifikaciju.

### Član 4.

Ova odluka će se objaviti na web stranici Federalne uprave za inspeksijske poslove.

### O b r a z l o ž e n j e

Odlukom direktora uprave broj 01-04-6-02269/2022 od 29.4.2022. godine pokrenut je postupak konkurentskog zahtjeva za dostavljanje ponuda uz primjenu e-aukcije za nabavku roba – oprema za mjerenje kvaliteta zraka i nivoa zvuka. Postupak nabavke se provodio u dva lota. Sredstva za nabavku predmetnih roba su osigurana iz sredstava Projekta „Pomoć BiH u poboljšanju kvaliteta zraka i upravljanju kvalitetom zraka“, koji se implementira shodno ugovoru o regulisanju međusobnih prava i obaveza sa CETEOR d.o.o. Sarajevo i Švedskom Agencijom za zaštitu okoliša (SEPA).

Nabavka je predviđena Planom nabavki za 2022. godinu, robe redni broj 8. (raniji broj 11.). Planirana vrijednost nabavke za lot 1 je 13.000,00 KM, a za lot 2 planirana vrijednost nabavke iznosi 6.000,00 KM.

Dana 30.5.2022. godine izvršeno je objavljivanje obavještenja o nabavci na Portalu javnih nabavki, broj obavještenja 1292-7-1-8-3-7/22.

U terminu utvrđenom obavještenjem o javnoj nabavci i tenderskoj dokumentaciji dana 14.6.2022. godine izvršeno je javno otvaranje blagovremeno pristiglih ponuda, kojom prilikom je konstatovano da su ponude dostavili ponuđači, po cijenama datim u slijedećim tabelama:

#### Lot 1. Prijenosni analizator dimnih gasova

Broj protokola ugovornog organa	Naziv/ime ponuđača	Ukupna cijena ponude bez PDV-a	Ponuđeni popust
01-04-6-02269/2022-I	„E3“ d.o.o. Sarajevo	12.970,00 KM	Ne

**Lot 2. Mjerač nivoa zvuka i analizator frekvencije sa funkcijama prikupljanja podataka**

Broj protokola ugovornog organa	Naziv/ime ponuđača	Ukupna cijena ponude bez PDV-a	Ponuđeni popust
01-04-6-02269/2022-I	„E3“ d.o.o. Sarajevo	5.995,00 KM	Ne

Javnom otvaranju ponuda nije prisustvovao predstavnik ponuđača, niti druga zainteresovana lica.

Nakon javnog otvaranja ponuda Komisija je izvršila provjeru kompletnosti i ispravnosti ponuda za oba lota, na način da su provjeravani način uvezivanja, primjena propisane forme dokumenata koji su sastavni dio ponude, validnosti ponude, potpis ponude i ovjera, te je izvršen pregled i provjera garancija, obrazaca i drugih dokumenata.

Pregledom i analizom dokumentacije koju je dostavio ponuđač, a koja je propisana u tenderskoj dokumentaciji Komisija je utvrdila da je ponuđač dostavio kompletnu traženu dokumentaciju.

Komisija je izvršila provjeru računске ispravnosti dostavljenih ponuda, te tom prilikom nije konstatovala računске greške u ponudama.

Obzirom da je u ostavljenom roku zaprimljena samo jedna ponuda za oba lota, Komisija je konstatovala da se u skladu sa članom 3. stav (3) Pravilnika o uslovima i načinu provođenja e-aukcije („Službeni glasnik BiH“, broj 66/16) e-aukcija ne može zakazati.

Komisija je razmotrila ponude koje je ponuđač dostavio za oba lota sa aspekta njihovih prihvatljivosti kada su u pitanju tehnički zahtjevi i ponuđene cijene. Tom prilikom je ocijenjeno da su ponude za oba lota tehnički prihvatljive, te da obzirom na navedeni kriterij ne postoje razlozi za odbacivanja ponuda. Također je utvrđeno da su ponude prihvatljive i sa aspekta ponuđenih cijena, odnosno da su iste u okviru osiguranih sredstava za konkretnu nabavku.

Imajući u vidu sve naprijed navedeno, Komisija je konstatovala da su u skladu sa kriterijem „najniža cijena“ ponude ponuđača „E3“ d.o.o. Sarajevo za nabavku roba oprema za mjerenje kvaliteta zraka i nivoa zvuka po provedenom postupku konkurentskog zahtjeva za dostavljanje ponuda uz primjenu e-aukcije za oba lota prihvatljive, te je dala preporuku Direktor Federalne uprave za inspekcijske poslove da u ime ugovornog organa donese kojom će ugovore dodijeliti navedenom ponuđaču.

Prilikom razmatranja dostavljene preporuke Direktor Federalne uprave za inspekcijske poslove nije našao razloge, nepravilnosti niti propuste u radu koji bi eventualno predstavljali osnov za neprihvatanje preporuke komisije za javne nabavke, te je odlučio kao u dispozitivu.

Pouka o pravnom lijeku: Protiv ove odluke može se uložiti žalba ugovornom organu u roku od 5 (pet) dana od dana prijema iste.

  
**DIREKTOR**  
Anis Ajdinović

Dostaviti:

- 1 „E3“ d.o.o. Sarajevo, Jukićeva 51a, 71000 Sarajevo *otpr. 17.6.2022.g.*
- 2 Sektor za materijalno-finansijske i tehničke poslove
- 3 Sektor za tehničku podršku i plansko-analitičke poslove
- 4 Komsija za javne nabavke (a/a).



